



O'ZBEKISTON OVOZI

SHU AZIZ
VATAN —
BARHAMIZNIKI!

IJTIMOIIY-SIYOSIIY GAZETA

• 2010-yil • 10-aprel • Shanba • 43 (31.163) • (Tel. Faks) 233-12-56 • 1918-yil 21-iyundan chiqa boshlagan
e-mail: info@uzbekistonovozi.uz www.uzbekistonovozi.uz

Ўзбекистон Республикаси Президентининг ФАРМОНИ

Р.Х.Қодировни Ўзбекистон Республикаси Бош прокурори лавозимига янги муддатга тайинлаш тўғрисида

Ўзбекистон Республикаси Конституциясининг 93-моддаси 12-банди ҳамда Ўзбекистон Республикаси «Прокуратура тўғрисида»ги Қонунининг 12-моддасига мувофиқ:

Рашидjon Ҳамидович Қодиров Ўзбекистон Республикаси Бош прокурори лавозимига янги муддатга тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2010 йил 9 апрел

Ижодий изланишга ундовчи танлов

Ўзбекистон Миллий матбуот марказида журналистика соҳасидаги «Олтин қалам» V Миллий мукофоти учун халқаро танлов ташкилий кўмитасининг йиғилиши бўлиб ўтди.

Ўзбекистон Журналистлари ижодий уюшмаси раиси Шерзод Фуломов юртимизда оммавий ахборот воситаларининг жамият ҳаётидаги фаоллигини ошириш ва амалдаги эркинлигини таъминлашга алоҳида эътибор қаратилаётганини таъкидлади. Журналистларнинг маҳоратини ошириш, уларда фаол фуқаролик позицияси ва юрт тақдирини учун дахлдорлик ҳиссини кучайтириш бу борадаги эзгу ишлар асосини ташкил этади. Хар йили ўтказилаётган «Олтин қалам» Миллий мукофоти учун халқаро танлов соҳанинг фаол, изланувчан ва фидойи хо-

димларини рағбатлантиришда катта омил бўлмоқда.

Тадбирда таъкидланганидек, мазкур танлов жорий йилда йигирма етти номинация бўйича ўтказилади. Танловда БМТ, ЮНЕСКО, Жаҳон банки сингари халқаро ташкилотлар ҳам ўзларининг мукофотлари билан қатнашади.

Танловга материалларни қабул қилиш жараёни якунланди.

Ҳолиб ва совриндорлар 3 май — Жаҳон матбуоти эркинлиги кунини эълон қилинади.

Н.УСМОНОВА,
ЎЗА мухбири

СОҲИБҚИРОНГА ЭҲТИРОМ



Миллий маънавиятимизни юксалтириш, халқимиз, айниқса, ёш авлодни буюк аждоларимизнинг бой меросидан баҳраманд этиш, ўғил-қизларни дунёда ҳеч кимдан кам бўлмаган инсонлар этиб вояга етказишда бобомиз Амир Темурнинг ҳаётий ўғитлари муҳим ўрин тутади. Соҳибқирон таваллудининг 674 йиллигига бағишлаб ўтказилаётган тадбирларда бу жиҳатлар яна бир бор ўзининг ёрқин ифодасини топмоқда.

Анъанага кўра пойтахтимизнинг Амир Темур номи билан аталуви ҳамда бугунги кунда янада кўркам ва фусункор кўёфа касб этган хибон 9 апрель кунини эрталабданок вазирилик ва идоралар, жамоат ташкилотлари, юртимизда фаолият юритаётган элчионалар вакиллари, олимлар, ижодкор зиёлилар, маҳалла, хотин-қизлар кўмиталари фаоллари, ўқитувчилар, талаба-ёшлар билан гавжум бўлди.

Ўзбекистон халқ ёзувчиси, халқаро Амир Темур жамғармаси раиси Муҳаммад Али, Буюк Британиянинг мамлака-

тимиздаги Фавкуллода ва мухтор элчиси Руперт Жой, юридик фанлари доктори, профессор Акмал Саидов Ўзбекистонда Президент Ислом Каримов раҳнамолигида демократик, эркин ва фаровон ҳаёт барпо этиш, юрт келажаги бўлган ёшларнинг ижодий-интеллектуал салоҳияти, эзгу орзу-интилишларини рўёбга чиқариш юзасидан амалга оширилаётган янгиланиш ва ўзгаришлар жараёнида маънавий-маърифий ислохотларга алоҳида эътибор қаратилаётганини таъкидлади.

2-бет >>>

Бошланғич ташкилотлар — ЎзХДПнинг асосий таянчи

БПТ ишини янада кучайтириш

масалалари фаолларнинг муҳокамасида бўлди



ЎзХДП Тошкент шаҳар кенгаши ҳамда Фуқаролик жамиятини ўрганиш институтининг Тошкент шаҳар минтақавий ахборот-таҳлил маркази ҳамкорлигида ташкил этилган давра суҳбати жамиятнинг ижтимоий-сиёсий ҳаётида бошланғич партия ташкилотлари фаоллигини янада ошириш масалаларига бағишланди. Тошкент шаҳар минтақавий ахборот-

таҳлил маркази раҳбари Баҳодир Мамадиев жамиятда сиёсий партиянинг ўз кўёфасига эга бўлишида БПТнинг ўрни ҳақида сўз юритди.

— БПТ — партиянинг ўзаги, — деди у. — Агар бошланғич ташкилотлар фаол бўлмаса партиянинг ҳам таъсири бўлмайди. Аксинча, қаерда куйи бўгин туман кенгашлари билан ҳамкорликда фаолият

олиб борса, электорат манфаати йўлида ташаббуслар билан чиқса, партиянинг таъсир кучи юқори бўлади. Аммо таҳлил шуни кўрсатмоқдаки, айрим бошланғич ташкилотларнинг шаҳар ва туман партия кенгашлари билан алоқаси узлиб қолган.

2-бет >>>

Аёл спорт
устозлари
меҳнати
қадр
топмоқда

> 2

Ичкиликбозлик

унинг инсон, жамият ҳаётига таъвоузи ва бу иллатга етакловчи омиллар ҳамда уни бартараф этиш юзасидан кўрилатган чора-тадбирлар ҳақида

> 3

Ватан битта, мақсад битта!

Наманганда «Биз бир замон ва бир замин фарзандларимиз» мавзусида анжуманлар бўлиб ўтди.

> 4

...халқ депутатлари маҳаллий Кенгашларидаги партия гуруҳлари фаолиятини жонлантириш, минтақалар ижтимоий-иқтисодий ривожига доир аниқ вазифаларни ҳал қилиш борасидаги ишларга партия таъсирини ошириш зарур».

Пойтахтимиздаги Интерконтиненталь меҳмонхонасида учинчи Халқаро Тошкент сугурта форуми — «TIIF — 2010» ўз ишини бошлади.

Хушхабар

Боксчиларимизнинг Туркиядаги муваффақияти

Анкара шаҳрида бокс бўйича ўтаётган халқаро турнирда йигирмадан зиёд мамлакатдан келган чарм кўлқоп усталари куч синашмоқда.

Терма жамоамиз аъзоларидан жаҳон чемпионати совриндори Ботиржон Маҳмудов дастлабки учрашувда грециялик Пуликос Тсагракосга қарши рингга чиқди. 69 килограмм вазн тоифасида ўтказилган мазкур жанг 5:0 ҳисобида боксчимиз фойдасига ҳал бўлди.

Оғирлиги 57 килограммгача бўлган боксчилар беллашувида ёш спортчимиз Шоҳрух Хўжабеков мисрлик Муҳаммад Макрамдан 11:5 ҳисобида устун келди.

Зоҳир **ТОШХҲАЕВ**,
ЎЗА шарҳловчиси

1 САВОЛГА ЖАВОБ

Ўзбекистон Халқ демократик партияси Жамоатчилик қабулхоналари фаолиятини янада такомиллаштириш учун нималар қилиш керак?

— Ўтган даврдаги фаолиятимиз таҳлили Жамоатчилик қабулхоналари ишини янги босқичга кўтаришни талаб этмоқда.

Мисол учун, партия кенгашлари ижроия кўмиталари қабулхоналарида ишни мунтазам, доимий асосда ташкил этишнинг механизминини қайта ишлаб чиқиши керак.

Маҳаллий Кенгашлар депутатлари, партияимизнинг сайланма органлари аъзолари, етакчилари, йирик корхона, ташкилотлар раҳбарлари бўлган фаоллари жамоатчилик қабулхоналарига изчил жалб этилмоғи керак.

Бундан ташқари, фуқароларни бир ой давомида қайси кунлари кимлар, қаерда қабул қилиши ҳақидаги эълонни туман, шаҳарнинг барча маҳаллаларига маълум қилиш мақсадга мувофиқ. Бу эса қабул қилаётган одамнинг касби, мутахассислигига қараб, электоратимиз вакиллари кимнинг қабулига боришини ҳал қилиб олишига имкон яратади. Олайлик, тиббий хизмат кўрсатиш сифати масаласида инженер мутахассислигига эга фаолга мурожаат қилгандан кўра, тиббиётга яқин кишининг қабулига бориш масаланинг тезроқ ва самаралироқ ечимини таъминлаш қилади, деб уйлайман.

Депутатлар билан учрашув

Ахборот- кутубхоналар фаолияти

тўғрисидаги қонун лойиҳаси устида иш олиб борилмоқда

Мамлакатимизда ахборот-кутубхоналар фаолиятини тубдан такомиллаштириш борасида қатор ишлар амалга оширилмоқда. Аҳолининг мазкур соҳага оид талаблари, усиб келаётган авлоднинг интеллектуал эҳтиёжларини тўла қондириш мақсадида ахборот-кутубхона хизматини янада ривожлантириш бугунги куннинг долзарб масаласидир.

O'zbekiston havo yo'llari

TOSHKENT XALQARO AEROPORTI

Хизматлар лицензияланган

10 апрель об-ҳавоси

Шарҳ	Юртимизда	Дунё бўйлаб
Тошкент	26°C	Лондон — 18°C
Самарқанд	25°C	Париж — 17°C
Нукус	20°C	Москва — 17°C
Қарши	27°C	Мадрид — 21°C
Урганч	20°C	Пекин — 25°C
Навоий	25°C	Гонгконг — 23°C
Фарғона	24°C	Рим — 20°C
Бухоро	25°C	Анкара — 11°C
Анджон	24°C	Токио — 17°C
Наманган	24°C	Стокгольм — 13°C
Термиз	30°C	Кейптаун — 27°C
Жиззах	24°C	Қоҳира — 25°C
Сирдарё	24°C	Гавана — 31°C
Тошкент вил.	24°C	Вашингтон — 24°C
		Нью Йорк — 27°C

